



Rosa Beer-Pally, Mustér

naschida ils 31-08-1913, morta 10-10-2000

«Tgi ch'ha la veta, ha era la mort »

Quei citat ei buca fetg encuraschonts, mo fetg verdei-vels e severifiche scha adina puspei tier la carstgau-nadad. Tgi en giuvens onns, auters en bialas vegliade-tgnas.

Ella biala vegliadetgna da 87 onns ha la dunna Rosa Beer - Pally bandunau il terrester per adina.

La generaziun giuvna en Tujetsch vegn a seduman-dar: Tgi era quella Rosa? Rosa Beer - Pally ei naschida

ils 13 d'uost 1913 a Camischolas. Ses geniturs ein stai Martin Pally e Maria naschida Riedi. Ensemen cun 11 fargliuns ha la defuncta passentau sia affonza en in ambient puril ed el ravugl d'ina buna famiglia cristiana. Suenter ver frequentau las scolas da vischnaunca ha la giuvna gidau a casa ed el puresser. Gl'onn 1941 marida Rosa il giuven Tumaisch Beer da Mustér. Ella dimora a Mustér benedescha Dieus la ventirei-vla lètg cun sis affons. Quels portan bia sulegl e legria, mo era gronda lavur e quita. Onns d'uiara, scartezia per tuts. Ils conjugals educheschan lur affons en carezia e pietusasadad e bien exempl. Mo mintga tetg ha sias cruschs. La mort prematura d'in affon ed era la mort dil carezau mariu Tumaisch gl'onn 1980 en consequenza d'in accident egl uaul ein stadas grevas fridas per la buna mumma e ses affons. Cun cura-scha ed oraziun ha Rosa surmuntau quellas cruschs dadas dal bien Diu cun endinada lavur e quita per ses carezai.

L'onda Rosa sco ella vegneva numnada da nus era ina femna aviarta, haveva in saun e bien humor, temeva buca la lavur ed haveva aunc temps per ses hobys. Quels fuvan: Teisser, filar e far caltschiel. Per divertiment in scart troccas ni ina sera a lotto fuvan plaschers specials. Ses affons cun beadis, tuts en bunas, gie fetg bunas posiziuns, han dau grond levgiament e satisfacziun alla buna mumma. Havend las forzas schau suenter eis ella serendida en Casa s. Vigeli a Sedrun e pli tard en Casa s. Gions a Mustér per guder la beinmeritada serasontga. Ils davos onns ein stai in grond marteri. Mo Rosa ha surportau tut en resignaziun e gronda cardientscha. Gl'aunghel dalla mort ha deliberau la luvrusa, spargnusa, religiusa e pietusa mumma da tut ses mals. En engrazievladad a tuts ses cars, parents ed enconuschents ha Rosa rendiu si'olma al scaffider. A tuts sincera condolient-scha. Ti cara Rosa gauda ussa la beinmeritada pagaglia celestiala ensemens cun Tes cars geniturs e fargliuns e Tiu car mariu Tumaisch. Ruaussa en la paisch eterna.